



UNIVERSITÄTS-
BIBLIOTHEK
PADERBORN

**Consultatio Canonica De Coadjutoriâ perpetuâ. Sive
Methodus Rite Procedendi in Coadjutoriis**

Arnoldus <a Sancto Leonardo>

Moguntiae, 1695

Caput IX. Quomodo Coadjutoria amittatur seu finiatur?

[urn:nbn:de:hbz:466:1-63366](#)



Caput IX.

Quomodo Coadjutoria amittantur seu finiatur.

S U M M A R I U M .

1. *Coadjutoria temporalis & revocabilis expirat mortuo Coadjuto: & data ad tempus impedimenti , cessat cessante impedimento.*
2. *Coadjutoria perpetua in quantum respicit favorem Coadjutoris non cessat per obitum Coadiuti, sed ex primo jure concesso sortitur effectum , & jus plenum efficitur.*
3. *Successionem non impedit superveniens infirmitas Coadjutoris , ob quam , ad tempus coadjuvare non potuit, dummodo tempore data Coadjutoriae extiterit habilis.*
4. *Cessat etiam Coadjutoria cessione Coadjutoris , & renunciatione ejusdem in favorem , transfertur.*
5. *Mortuo Coadiuto , tempore datæ gratiæ , corruit Coadjutoria , & nulla est à principio.*
6. *Licet gratiæ super beneficiis vacaturis , morte*

morte concedentis papæ , regulariter ex-
pirent , re integrâ , Coadjutoria et tamen iu-
xta Conc. Trid. sess. 25. de reform. cap.
7. expeditæ , non expirant supervenien-
te morte concedentis Papæ .

I. **O**fficium Coadjutoris exspirat mor-
tuo Episcopo , vel Prælato coadju-
to ; quod Doctores etiam intelligunt in
morte civili , ut quia renuntiat vel depo-
nitur is , cui datus est Coadjutor , talis enim
quoad Ecclesiam , etiam habetur pro
mortuo . *Put. lib. 3. decis. 226. num. 3.* ubi
dicit per obitum Coadjuti beneficium va-
care , cum Coadjutoria non duret nisi du-
rante vitâ ipsius Coadjuti ; quod vel ex
ipsa Coadjutoris denominatione seu Ety-
mologia arguere licet ; mortuo enim vel
deposito eo cui datus fuit Coadjutor , non
est quem coadjuvet ; unde jurisdictionem
tunc exercebit Capitulum , vel is ad quem
spectat sede vacante .

Quod si Coadjutoria ex certa causa ,
ad tempus data sit , v. g. ob malam Epis-
copi valetudinem aut aliud impedimen-
tum ; cessat cessante impedimentoo .

II. Dum autem Coadjutoria data est
in perpetuum cum futura successione ,
qua-

quatenus illa respicit favorem Coadjuti,
exspirat eo mortuo, pro ut jam diximus
de Coadjutoria temporali & revocabili;
sed in quantum respicit favorem Coad-
jutoris, per obitum Coadjuti non exspi-
rat, ut declarat idem *Put. lib. 2. decif. 98.*
per hujusmodi enim gratiam præventivā
acquiritur Coadjutori in beneficio jus ad
rem, quod eveniente vacatione per obi-
tum Coadjuti efficitur jus plenum, adeo
ut non requiratur pro Coadjutore nova
collatio, sed absq[ue] aliquo ministerio,
gratia Coadjutoriæ ex primo Jure sibi
concesso effectum sortiatur, cum Papain
istis coadjutoriis, ex nunc prout ex tunc
faciat collationem ut resolvit *Rota apud*
Garziam de benef. p. 4. cap. 5. num. 128. Fagn.
in cap. ex parte x. de cler. ægrot. num. 16.

III. Sed quid, si Coadjutor cum spe
successionis alii juvando datus, ipse, viven-
te adhuc coadjuto, eo infirmitatis redac-
tus foret, ut resolutâ Coadjutoriâ, non
possit superesse officio, cuius ipsi spes fa-
cta, eritne ipsi successio salva? Respon-
deo affirmative, quia sufficit causam &
qualitates ipsius, juvandi alium, adfuisse
eo tempore, quo ipsi promissio facta suc-
cess-

110

cessionis, quibus tametsi postea cessantibus, non cessabit effectus. Arg. l. si. quis hæredem. 7. c. de instit. & substit. ubi sufficit conditionem momento temporis, quo adesse debuit, adfuisse. ita quoque si qualitas quæ piam certo tempore requiratur, satisfactum erit, si eo tempore reperiatur. L. in delictis 4. § si extraneus i. ff. de noxal. act.

IV. Cessat etiam Coadjutoria cessione Coadjutoris, etiam invito coadjuto, dummodo accedat, consensus Superioris, Papæ, vel Ordinarii, pro qualitate beneficii. Garz. p. 4. cap. 5. n. 126.

Sic etiam renuntiatione in favorem transfertur Coadjutoria, dummodo ultra requisita in cessione, accedat consensus coadjuti, respectu personæ resignatarii, ad avertendum metum captandæ mortis: & Ordinarii vel Capituli, cæteræque facultates per Conc. Trid. circa qualitatem personæ requisitæ, concurrant.

V. Mortuo etiam Coadjuto, tempore gratiæ datæ, corruit Coadjutoria, & nulla omnino est à principio; quia licet Bulla contineat duas gratias separatas æque principales, tamen quia pendent à veritate

tate narratorum, sine quibus Papa absolute non contulisser; & secunda, in recompensam primæ onerosæ, dicatur subordinata & accessoria; certum est hanc subsistere non posse, prout late probat *Garz. p. 4. cap. 5. num. 131. & seqq.* contra *Gonzal*, qui etiam male supponit, illam clausulam: *etiam si vacet actualiter beneficium, de tempore datæ, solere apponi.*

VI. Morte concedentis Papæ regulariter re integra exspirant gratiæ super beneficiis vacaturis. *c. si cui 36. §. secus de præbend. in 6. imo per regulam 10 cancell. Innocentii Papæ*, revocari solent gratiæ quæcunque exspectativæ, & reprobari desuper obtentæ & expeditæ litteræ, etiam juxta *con. Trid. sess. 24. cap. de reform.* quod etiam videretur dicendum de Coadjutoriis, ut gratiam exspectativam importantibus: nisi *con. Trid. sess. 25. cap. 7. de reform.* tales commissiones exspectativas sub forma Coadjurorialium, in majoribus dignitatibus permitteret, servatis ibidem servandis; unde sufficit propter auctoritatem Concilii, quod semel Ordinarius, vel Capitulum, juxta naturam beneficij seu dignitatis consenserit, & Papa antecessor,

cessor, ex causa rationabili conformata
Conciliari dispositioni ex nunc, pro ut ex
nunc contulerit; quia tunc gratia est per-
fecta, imo desit res esse integra, vi dictæ
clausulæ. C. si super gratia de offic. deleg. in
6. ibi. D. D.

Nec obstat dictum c. si cui. & disposi-
tio regulæ 10. & conc. Trid. sess. 24. cap. 19,
& sess. 25. cap. 7. in princip. de reform. quia
lo quantur de meris exspectativis, & man-
datis de providendo, uti & de beneficiis
firnpllicibus, seu non habilibus ad Coad-
jutorias; respectu quorum, per obitum
concedentis Papæ, aut Ordinarii conser-
tentis, ejusmodi gratiæ qualescumque,
propter deficientem Concilii authorita-
tem ac fomentum, meritò expira-
re & resolvi cen-
sentur.

F I N I S.

